

Alkitab Buat Bocah

Nampilin

Samuel, Anak Tuhan - Pembantu



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Lyn Doerksen

Nyeng terjemahin: Matheus Nalih Ungin


Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.

Hanna itu perembuan bae-bae, dia nikah sama Elkana, seorang laki-laki nyeng juga bae. Mereka bedua muji-muji Tuhan dan nunjukin baenya sama orang laen. Tapi ada nyeng kurang dalem idupnya

Hanna. Dia pengen punya orok. Yah! Bener-bener pengen banget dia orok itu! Dia nunggu ama sembahyang dan ngarep dan nunggu lama. Kaga ada orok nyeng dibranakin!





Saban taun, Hanna pegih buat sembahyang di Rumah Tuhan. Satu taun dia bikin janji sama Tuhan kalo Dia ngasih seorang bocah sama dia, dia bakalan ngasih bocah itu jadi pembantu Tuhan selamanya.

3




Pastur Eli nyeng udah tua ngeliat Hanna sembahyang. Dia kira Hanna mabok anggur karena bibirnya komat kamit tapi kaga ada suara nyeng kedengeran. Eli marahin Hanna!

4



Tapi Hanna bilang sama Eli soal sembahyangnya minta seorang bocah dan janjinya sama Tuhan. "Pegihlah dengan damei," Eli ngejawab. "Dan Allah Israel bakalan ngasih kamu apa nyeng kamu minta dari Dia." Omongannya Eli ngasih pengarepan buat Hanna.

5




Mendadak kegirangan menuhin atinya Hanna. "Tuhan inget dia", dan ngejawab sembahyangnya. Dia sama Elkana bakalan punya seorang orok laki-laki nyeng dikasih nama Samuel (nyeng artinya "Didengerin Allah"). Tapi inget kaga Hanna sama Tuhan dan janjinya sama Dia?

6



Hanna brenti dateng ke Rumah Tuhan kaya nyeng biasa dia kerjain saban taun. Sayang banget! Apa iya dia lupa sama janjinya kepada Tuhan? Kaga. Hanna nunggu sampe Samuel cukup gede buat netep di Rumah Tuhan dan nulungin Eli dalem ngelayanin Tuhan. Lantas dia ngebawa Samuel ke Rumah Tuhan.

7



Tuhan ngehargain iman Hanna nyeng gede banget.


Seabisnya Samuel, Tuhan ngasih lagi buatnya tiga orang bocah laki-laki dan dua bocah perempuan. Saban taun Hanna pegih ke Rumah Tuhan buat muji-muji Tuhan dan buat ngebawain jubah baru nyeng dibikinnya dewek buat Samuel.

8



Samuel bukan cuman satu-satunya pembantu Eli. Anak-anak Eli, Hofni ama Pinehas, juga begawe di sono. Tapi mereka kaga ngehormatin Tuhan dengan ngelakuin hal-hal nyeng jahat, dan kaga bakal berobah meski Eli nyeng minta. Eli kudunya mecat mereka dari pegawean mereka di Rumah Tuhan.

9



Satu malem, Samuel ngedenger satu suara manggil-manggil dia. Anak laki itu mikirnya kalo Eli nyeng manggil dia. "Iya, bapa," dia ngejawab. "Aku kaga manggil kamu," Eli ngejawab. Kejadiannya sampe tiga kali. Lantas Eli tau kalo Tuhan pengen ngomong sama Samuel.

10




Eli bilang sama Samuel, "Kalo Ia manggil kamu, bilang aja : Ngomong aja Tuhan, sebab hambaMu ini denger." Dan Tuhan manggil lagi, dan ngasih satu pesen nyeng penting sama Samuel.

11




Paginya Eli manggil Samuel, "Apa pesen nyeng disampein Tuhan sama kamu?" dia tanya. Samuel muda bilang semuanya sama pastur Eli. Ini pesen nyeng paling nakutin. Tuhan bakal ngancurin semua keluarga Eli sebab Hofni ama Pinehas jahat banget.

12



Peringatan Tuhan bener-bener nyata. Selama peperangan sama orang-orang Filistin, dua anak Eli nyeng jahat mimpin dan ngebawa Tabut Tuhan di depan tentara Israel. Musuh ngerampas Tabut Tuhan dan ngebunuh Hofni ama Pinehas bareng ama orang-orang Israel. Pas Eli ngedenger soal ini, dia jatuh dari bangkunya, lehernya patah dan dia mati pada ari nyeng sama ama kematian anaknya.

13



Tabut Tuhan ngebawa banyak masalah buat orang Filistin. Mereka taro Tabut Tuhan di kuil Dagon, allah palsu mereka. Pagi arinya patung Dagon ngegubrak jatuh dan mukanya ke tanah. Orang-orang Filistin ngangkat lagi patung itu, tapi besoknya ngegubrak jatuh lagi. Kali ini Dagon jatuh dan ancur berantakan.

14



Penyakit ama kematian nyebar disela-sela orang Filistin. Buat ngeliat apa bener Tuhan ngehukum mereka, orang Filistin ngambil dua sampi nyeng lagi netein buat narik gerobag mereka. Mereka naro Tabut Tuhan di atasnya. "Kalo aja sampi itu ke Israel, dan ninggalin anak-anaknya, kita tau Tuhan nyeng ngerjain semuanya," mereka bilang. Dan sampi-sampi itu pegih.

15



Samuel udah gede, dia ngomong sama semua orang Israel, "Kalo kamu balik lagi sama Tuhan dengan sepenuh ati, maka jauh...maka Ia bakal ngelepasin kamu dari tangan orang Filistin." Orang Israel nurut ama nabi Tuhan nyeng penuh iman. Tangan Tuhan ngelawan orang Filistin selagi Samuel idup.

16

Samuel, Anak Tuhan - Pembantu


Sebuah cerita dari perkataannya Tuhan, Alkitab

Ditemuin di

1 Samuel 1-7

"Palang pintu Firman Engkau ngasih terang."
Mazmur 119:130

17



17



60

18

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakal ngelakuinya! Dia bakal dateng dan idup di dalem enté ini ari, dan enté bakal idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakal pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

19